



Broj: 05/03-04-2779-110/22  
Sarajevo, 25.10.2022. godine

**KANTON SARAJEVO**  
SKUPŠTINA KANTONA SARAJEVO  
N/R Predsjedavajućeg Skupštine

PREDMET: Odgovor na zastupničku inicijativu zastupnika Damira Filipovića - dostavlja se

Veza akt Skupštine Kantona Sarajevo broj: 01-04-2779-36/22 od 23.08.2022. godine

Dana 06.09.2022. godine Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo zaprimilo je od strane Skupštine Kantona Sarajevo zastupničku inicijativu zastupnika Damira Filipovića u skladu sa članom 106. Poslovnika Skupštine Kantona Sarajevo.

Zastupnička inicijativa glasi:

“Mnogi mladi bračni parovi koji su podstanari na području Kantona Sarajevo su izrazili žalbu na problem da se ne mogu prijaviti na javni poziv za subvencioniranje kirije jer njihov stanodavac nije sa njima potpisao pravno valjan ugovor uslovljen javnim pozivom, te podnosim inicijativu za izgradnju socijalnih stanova za mlade bračne parove u kojima će stanodavac biti sam Kanton Sarajevo sa obaveznom najpovoljnijom cijenom kirije, gdje se mogu uvesti dodatni uslovi za mlade bračne parove u početnom stadiju poput da je jedan od mladog bračnog para posjeduje diplomu deficitarnog zanimanja potrebnog Kantonu Sarajevo i slično. Grad Beč je nadaleko poznat po svojoj socijalnoj gradnji, te njegove pozitivne prakse treba i Kanton Sarajevo čim prije primijeniti.”

**ODGOVOR:**

Po naprijed navedenoj zastupničkoj inicijativi Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo dostavlja odgovor kako slijedi:

Pored nezaposlenosti rješavanje stambenog pitanja mladih je jedno od najznačajnijih egzistencijalnih pitanja, kako u Bosni i Hercegovini tako i u Kantonu Sarajevo.

U sklopu programskih aktivnosti Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo za izvršenje Budžeta po kapitalnim grantovima, svake godine planira i izdvaja novčana sredstva kako bi se mladoj populaciji u Kantonu Sarajevo pomoglo u rješavanju stambenog pitanja, odnosno ulaže napore kako bi se iznašao najpovoljniji model rješavanja ovog problema.

S tim u vezi Ministarstvo već dugi niz godina pomaže mladim ljudima Kantona Sarajevo u rješavanju njihovog stambenog pitanja kroz razne projekte: program kreditiranja mladih, rješavanje stambenog pitanja mladih putem zakupa uz obaveznu kupoprodaju stana, preinvestiranje u poticajnu stanogradnju, subvencioniranje rješavanja stambenog pitanja mladih, subvencioniranje dijela zakupnine stana ili kuće mladim u bračnoj ili vanbračnoj zajednici.

Zastupnička inicijativa Damira Filipovića odnosi se na projekat za koji su pored obezbijeđenog zemljišta za gradnju potrebna i veća novčana sredstva kojima ovo Ministarstvo trenutno ne raspolaže a obzirom da je riječ o dugoročnom projektu bilo bi neophodno obezbijediti i kontinuirano upravljanje istim.

Međutim, Ministarstvo će i u narednom periodu, uz saradnju Vlade Kantona Sarajevo, nastaviti i dalje da osigurava podršku mladima u rješavanju njihovog stambenog pitanja što je jedan od strateških ciljeva socijalne brige iz Strategije prema mladima Kantona Sarajevo 2019-2023. koju je usvojila Skupština Kantona Sarajevo.

MINISTAR  
Enver Hadžiah

ing.maš.



**DOSTAVITI:**

1. Predsjedavajući Skupštine Kantona Sarajevo
2. Služba za skupštinske poslove
3. Sekretar Vlade Kantona Sarajevo
4. Evidencija